

<><><><><><>

PM-Poland

प्रधानमंत्री नरेन्द्र मोदी होर पोलैंड दी अधिकारिक यात्रा पर न। प्रधानमंत्री होर अज्ज वॉरसा च पोलैंड दे प्रधानमंत्री डोनाल्ड टस्क हुंदे कन्नै प्रतिनिधिमंडल सतह दी गल्लबात करगंन। दवै नेता दपक्खी सरबधे दी समीक्षा करगंन ते केई महत्वपूर्ण मुद्दे पर चर्चा बी करगंन। दौनें पक्खे बशकार बैठक च होरने विकल्पे पर गल्लबात होग। प्रधानमंत्री नरेन्द्र मोदी पोलैंड दे राष्ट्रपति आंद्रेज डूडा हुंदे नै बी मलाटी करगंन। एह्दे थमां पैहले प्रधानमंत्री हुंदा औपचारिक सुआगत बी कीता जाग। ओह् अज्ञात सैनिके दे स्मारक पर पुष्पांजलि भेंट करगंन। प्रधानमंत्री बपारिक नेताएं ते पोलैंड दे मन्ने-परमन्ने दे लोके कन्नै बी गल्लबात करगंन। जंदी रातीं वारसा च भारतीय समुदाय दे लोके कन्नै गल्लबात करदे होई प्रधानमंत्री होरे आखेआ ऐ जे अज्जे दा भारत सब्बने कन्नै जुड़ियै सब्बने दा विकास ते कल्याण चांहदा ऐ। प्रधानमंत्री मोदी होरे आखेआ ऐ जे दहाके थमां भारत दी नीति दूरी बनाने आली रेही ऐ पर अज्ज भारत दी नीति सब्बने देशे कन्नै गैहरे सरबंध बनाने दी ऐ।

<><><><><><>

Command Centre

जम्मू कश्मीर च गलत प्रचार रोकने लेइ ते ओंदे विधानसभा चुनां दरान चुना प्रक्रिया दी प्रभाविकता बनाई रखने लेई जम्मू ते श्रीनगर च मुख् चुनां अधिकारिएं दे दफतरै च कमांड ते कंट्रोल केन्द्र कायम कीते गे न। आकाशवाणी दे संवाददाता दी रिपोर्ट मूजब 20एं डी.सी दफतरें च हफते दे 7एं ध्याडे 24 घैंटे कम्म करने आले कंट्रोल रूम स्थापत कीते गे न। भलेआ अज्जै कल्लै आली तकनीक कन्नै लैस कमांड ते कंट्रोल केन्द्र दा ढांचा बी भलेआ आधुनिक ऐ। एह् 24 घैंटे कम्म करगंन ते चुनां कन्ने सरबंधी कुसै बी गतिविधि पर तक्क रक्खगंन। कुसै बी फर्जी खबर जां ब्यान पर तुरत कारवाई कीती जाग। एह् जम्मू कश्मीर दिए सब्बने 90 असेंबली हलके दी स्थिति दा लगातार जायजा लैंदे रौहगन। उनें आम लोके

गी अपील कीती जे लोक आदर्श आचार संहिता दी कुसै बी चाल्ली दी खलाफवर्जी दी शकैत लेई ते उस गल्ला गी उजागर करने लेई सी-विजिल ऐप दा इस्तेमाल करन।

<><><><><><>

Defacements

जम्मू कश्मीर च विधानसभा चुनावं दा ऐलानल होने दे 72 घँटे दे अंदर-अंदर गै केन्द्र शासत प्रदेश दे बक्ख-बक्ख हिस्से थमां 28 ज्हार कोला मते आदर्श आचार संहिता दी खलाफवर्जी दी श्रेणी च औने आले इश्तेयार, बैनर, मशूरियां बगैरा हटाइयां गेइयां न। आकाशवाणी जम्मू संवाददाता दी रिपोर्ट मूजब 16 अगस्त गी जम्मू कश्मीर विधानसभा चुनावं दी घोषणा दे कन्नै गै भारतीय चुनावं आयोग ने आदर्श आचार संहिता दी असरदार ढंगै नै अमलावरी दे निर्देश बी जारी करी दित्ते हे। जेहदे पर कारवाई करदे होई अजे तोड़ी 9 ज्हार 276 पोस्टर, 5 ज्हार 661 इश्तेयार, कंधे पर लिखे दे 1 ज्हार 827 संदेश ते 11 ज्हार 862 होर दडुयां चीजां हआइयां गेइयां न। चुनावं दा ऐलान होने दे 72 घँटे दे अंदर-अंदर जम्मू कश्मीर दे सब्बने 20एं जिले च फलाइंग स्कावड़ ते आदर्श आचार संहिता टीमें कारवाई कीती ऐ।

<><><><><><>

Assembly Elections

केन्द्र शासत प्रदेश च विधानसभा चुनावं दी घोषणा कन्नै गै प्रदेश च सियासी गतिविधियां तेज होई गेइयां न। बक्ख-बक्ख सियासी पार्टिएं अपने प्रचार अभियान गी तेज करी दित्ता ऐ। जारी अधिसूचना मूजब जम्मू कश्मीर च चुनावं त्रै गेडे च करोआए जांगन। पैहले गेड़ तैह्त मतदान 18 सितम्बर गी होना ऐ। वोटें दी गिनतरी आला कम्म 4 अक्टूबर गी होग।

<><><><><><>

Rahul-JK

लोकसभा च विपक्ष दे नेता राहुल गांधी ते कांग्रेस दे अध्यक्ष मल्लिकाअर्जुन खरगे होर अज्ज श्रीनगर ते जम्मू च पार्टी कारकूने गी संबोधत करगंन। उंदा श्रीनगर च इक प्रेस कांफ्रेंस करने दा बी कार्यक्रम ऐ। दवै कांग्रेस नेता कल संजा 2 दिन दे दौरे लेई श्रीनगर पुज्जे हे। इस दरान ओह औंदे विधानसभा चुनावं दरान पार्टी दी तैआरिएं दा जायजा लैंगन। गांधी ते खरगे होर नैशनल कांफ्रेंस गइबंधन बारे संभावनाएं दा बी पता लांगन। उंदा नैशनल कांफ्रेंस

दे प्रधान डॉ. फारुक अब्दुलला ते उप-प्रधान उमर अब्दुल्ला हुंदे कन्नै मलाटी करने दा बी कार्यक्रम ऐ। दवै नेता पार्टी कार्जकर्ताएं थमां चुनाएं बारे जमीनी सतह दी तैआरिएं दा जायजा लैंगन। तोआई एआईसीसी दी स्क्रीनिंग कमेटी दे प्रमुख एस.एस.रंधावा होरें जम्मू ते कश्मीर खित्ते दे बक्ख-बक्ख प्रतिनिधिमंडलें कन्नै मलाटी कीती।

<><><><><><>

Ram Madhav

भारतीय जनता पार्टी दे साबका महा सचिव राम माधव होर कल 2 दिनें दे दौरे लेई कश्मीर पुज्जे। अपने दौरे दे पैहले दिन माधव होरें बक्ख माध्यमें राएं प्रतिक्रिया ते सुझाह लैतें पर उनें बीजेपी नेता जां कार्जकता कुसै कन्नै मलाटी नेई कीती। उंदा अज्ज नमीं दिल्ली परतोने दा कार्यक्रम ऐ। राम माधव ते केन्द्रीय मंत्री जी.किशण रेड्डी होरें गी जम्मू कश्मीर च ओं दे विधानसभा चुनाएं लेई प्रभारी बनाया गेआ हा। बीजेपी नै राम माधव हुंदे मार्गदर्शन च पिछले चुनाएं च टकोहदी जित्त हासल कीती ही। हुन बी परतियै उं दे मार्गदर्शन च विधानसभा चुनाएं दी तैआरी करा'रदी ऐ। पार्टी नेतृत्व सरकार बनाने दा फही चुनां मगरा आले हालात च महत्वै आली भूमका नभाने आली कोशशें च ऐ।

<><><><><><>

PDP

पीडीपी प्रमुख ते साबका मुख्मन्त्री महबूबा मुफ्ती होरें आखेआ जे उं दी पार्टी आमम-सम्मान कन्नै शांति चांहदी ऐ नां कि बरबादी गी दिक्खियै चुप रौहना। मुफ्ती हुंदा एह ब्यान साबका एमएलए चौधरी कमर हुसैन हुंदे आस्सेआ पीडीपी च शामिल होने लेई आयोजित कार्यक्रम दरान मीडिया गी संबोधत करदे होई आया। उनें आखेआ जे पिछले 5एं ब'रें च जम्मू कश्मीर ते पीडीपी नै केई चुनौतिएं दा सामना कीता ऐ।

<><><><><><>

NC

जम्मू कश्मीर नैशनल कांफ्रेंस दे महा सचिव अली मोहम्मद सागर होरें कथित तौर पर दोश लाया ऐ जे सरकार जम्मू कश्मीर दे लोकें दी विकास ते सियासी आसें-तांगे गी पूरा करने च असफल रेई ऐ। पार्टी कारकूनें गी संबोधत करदे होई उनें आखेआ जे लोड़चदी नुमायंदगी नेई होने करी जम्मू कश्मीर दे लोकें गी मुश्कलें ते परेशानिएं दा सामना करना पेआ ऐ।



Apni Party

औंदे विधानसभा चुनाएं गी दिक्खदे होई अपनी पार्टी ने कल अपना चुनावी घोशणा पत्र जारी कीता ऐ। इक प्रेस कांफ्रेंस गी संबोधत करदे होई अपनी पार्टी दे जनरल सैक्रेटरी रफी अहमद मीर होरें आखेआ जे पार्टी जम्मू कश्मीर दा राज्य दा दर्जा ब्हाल करने लेई लड़ोग। उनें गलाया जे उंदी पार्टी कश्मीरी युवाएं पर लाए गेदे पीएसए खलाफ अवाज पुट्टोग। उनें आखेआ जे उंदी पार्टी जमीन, नौकरिं दी हिफाजत करियै ते कश्मीरी पंडितें दी वापसी लेई कम्म करोग ते कश्मीर खित्ते लेई सर्दिं दरान 500 युनिट मुफ्त बिजली देग। अपनी पार्टी नै दफा 371 दे प्रावधाने दा बी वायदा अपने चुनावी घोषणा पत्र च कीता ऐ।

